



BA KOMUNIKASAUN IMEDIATU
8 Fevereiru 2011
Kontaktu Média: Lisa Rogers
USAID, 332-2211

Komunikada ba Media

Levantamento Demográfiku no Saúde ne'ebé USAID Finansia Hatudu Detalhu Kona ba Susesu no Dezafiu iha Timor-Leste nia Dalan ba Dezenvolvimentu

Dili, loron 9, fulan Fevereiru, tinan 2011 – Vise Xefe Misaun EUA Jonathan Henick hala'o tiha lansamentu ba 2009-2010 Timor-Leste Demographic and Health Survey (DHS) iha fulan-Dezemburu 2010. United States Agency for International Development (USAID) mak hanesan doador finanseira principal ba levantamento ne'e, fornese dadus husi entrevista ba uma-kain 11,000 resin ne'ebé hala'o iha territóriu nasional tomak. DHS tinan 2009-2010 nian fornese informasaun ne'ebé detalhadu ne'ebé barak no alargadu no mós completa levantamento sira uluk nian ne'ebé nia ámbitu limitadu liu. Levantamento ne'e konsentra ba área hanesan:

- fertilidade no atitude planeamento familiár
- mortalidade infantil
- mortalidade maternal no adultu
- kondisaun nutrisaun labarik nian
- uza servisu saúde materna no infantil
- koñesimentu sobre HIV/AIDS (SIDA)

No mós, levantamento foun ne'e fornese dadus kompozisaun uma-kain nian no riku-soin, empregu no kondisaun feto nian iha uma-kain. Informasaun sira-ne'e mai husi entrevista ho feto nain-13,000 no mane nain-4,000.

DHS tinan 2009-2010 hala'o tiha tuir MEASURE DHS nia padraun , projetu levantamento padronizadu ne'ebé USAID finansia no hala'o ona iha tinan 25 liubá iha nasaun 75 liu. Ho finansiamentu tomak, DHS padronizadu, USAID posibilita Timor-Leste rekolla dadus ne'ebé bele kompara diretamente ho nasaun sira seluk. Dadus vital foun importante, mós hetan iha DHS ida ne'e. Ba primeira oportunidade , país ne'e iha estatística nível distritu no nasional ne'ebé bele verifica atitude no insidénsia violasaun bazeia ba género.

DHS tinan 2009-2010 mós kaptura indikadór 15 kona ba Millennium Development Goal (MDG) nian. Indikadór sira-ne'e inklui número atendénsia eskola primária, número tuur-ahi adolescente nian no número kuidadu ante natál.

Sr. Henick dehan "DHS konfirma progresu boot ne'ebé Timor-Leste halo tiha ona, hamenus mortalidade labarik no infantil, hasa'e kobertura imunizasaun labarik nurak sira, hadi'a asesu ba kuidadu ante natál, no hasa'e uzutilizasaun kontraseptivu. Maibé dadus ne'e mós hatudu katak sei iha



servisu barak mak atu halo tan. Ne'e mak ha'u-nia espetativu katak Governu Timor-Leste no ninia parseirus dezenvolvimentu lokál no internasional sei utilize dadus ne'e para dezenvolve politika sira ba pubbliku ne'ebé efetivu, hadi'a servisu saúde, muda ema nia atitude, no presta saúde ne'ebé di'ak liu ba povu Timor iha futuru."

Ministra Finansas, Emilia Pires dehan "Dadus hanesan ne'e importante tebes para foti desizaun ne'ebé di'ak iha planeamentu ba investe iha rekursus para responde ba ita-nia sidadaun sira-nia nesesidade sira ne'ebé sai prioridade," ne'ebé ninia Diresaun Nasional Estatística implementa tiha ona levantamento ne'e.

Rezultadu importante balu hatudu melloramentu di'ak iha área balu:

- Totál número fertilidade tun: feto ho oan medio 5,7 tun husi medio 7,8 iha tinan 2003
- Número mortalidade labarik tinan 5 mai kraik tun ba 64 husi 1,000 tuur-ahi moris, husi 83 husi 1,000 tuur-ahi moris iha tinan 2003.
- Número imunizasaun aumenta: pursentu 46 labarik sira-ne'ebé agora hetan imunizasaun kompletu, sa'e husi pursentu 18 iha tinan 2003.
- Número feto tuur-ahi ne'ebé uza pesoal saude kwalifikadu : pursentu 30, sa'e husi pursentu 18 iha tinan 2003.

Rezultadu sira seluk fó énfaze ba nesesidade atu fó atensaun tan:

- Labarik sira pursentu 50 resin iha tinan lima 5 mai kraik maka krekas-maran ka pezu menus, iha aumentu ida besik pursentu 5 iha kategoria ida-idak husi dadus tinan 2003 nian.
- Besik 1/3 labarik sira-ne'ebé moris ho espasu menus duké tinan rua, ne'ebé kauza número mortalidade labarik tinan lima mai kraik aas.
- Rasio mortalidade maternal aas. Dadus levantamento ne'e hatudu rasio mortalidade maternal nian 557 husi 100,000 tuur-ahi moris. Isin-rua no problema nee'be relasiona ho isin-rua kontribui pursentu 42 ba mortalidade husi feto sira-ne'ebé iha idade tinan 15 to'o 49. Timor-Leste ninia meta ba rasio mortalidade maternal iha tinan 2015 maka mate 252 husi 100,000 tuur-ahi moris.

Timor-Leste Demographic and Health Survey ba tinan 2009-2010 nian, principalmente USAID mak finansia ho apoiu adisionál husi UNFPA, AusAID, IrishAID, UNICEF, UNDP no WHO. Diresaun Nasional Estatística implementa levantamento ne'e, ho supervizaun Ministériu Saúde nian, ho asisténsia téknika husi ICF Macro, USAID ninia parseiru projetu MEASURE DHS. Dadus DHS Timor-Leste nian ne'e sei disponivel publikamente ba Governu Timor-Leste no USAID atu utiliza halo programasaun ne'ebé konsentradu.

Sei organiza relatório final no dadus sira para disponivel iha online iha website *ICF Macro* nian:
http://www.measuredhs.com/countries/country_main.cfm?ctry_id=117&c=Timor-Leste

----- ramata -----